

la poictrine, du moins on ne l'entendoit quasi plus: mais quand on luy eut recommandé de prier pour ceux qui le fecouroient si charitablement, s'efforça si bien, qu'il pria tout haut pour Mōseigneur le Cardinal, & pour Madame la Duchesse d'Aiguillon, la mort luy couppa la parole du corps, mais ne pût arrester la priere de l'ame qu'il alla continuer dedās les Cieux. Je voulois faire porter fon corps à Sillery comme vn pretieux depost, & comme vne Relique, mais les vents & la marée me contraignirent de le laisser à Kebec. Voicy vn [34] mot de Lettre du P. de Quen, qui fait voir le bien qu'on fait à l'Hospital.

**B**ARNABÉ *mistikomã* s'en retourne à Sillery, fain du corps & de l'ame, cōme ie croy, il s'est confessé & communié le matin en action de grace de fa fanté, cela est venu de luy mesme. Nous enterrasmes hier l'vn des deux Algonquins que ie baptifay auant hier, c'est celuy qui auoit vne playe en la poictrine, fon compagnon se porte vn peu mieux qu'à l'ordinaire. Marie femme de Noël Negabamat penfa mourir hier au soir d'vne grosse colique, & d'vne forte fièvre qui la trauaille encor, ie l'ay confessé ce matin en intention de la comunier, mais la faignée l'en a empesché; Noël fon mary se porte mieux, il s'est confessé & communié, ie croy qu'il vous retournera voir dans peu de iours. Estienne Pygarotüich voulant aller à la chasse aux Castors vous a esté chercher iusques à Sillery pour se confesser, ne vous ayant point trouué, il m'est venu voir, ie l'ay confesse avec vne grande fatisfaction & contentement de mon ame. Les autres malades vont à l'ordinaire, souuenez-vous à l'Autel de celuy [35] qui vous est, &c. Ne diroit-